

四庫全書

集部

欽定四庫全書

集部

石倉歷代詩選卷六十九

詳校官廉吉士臣范逢恩

侍讀臣孫球覆勘

總校官進士臣朱 鈐

校對官中書臣高 中

謄錄監生臣王 耘

欽定四庫全書

石倉歷代詩選卷六十八

明
曹學佺 編

中唐二十二

李紳

字公垂
亳州人

移九江

秋波入白水帆去侵空小
五兩劇奔星檣烏疾飛鳥
江城依落日盆浦看雲眇
雲眇更蒼蒼匡山低夕陽
楚客

喜風水秦人悲異鄉異鄉秋思苦江皋月華吐漾漾隱
波亭悠悠通月浦津橋歸候吏竹巷開門戶容膝有匡
牀及肩纔數堵隙光非白駒懸磬我無虞體瘦寡行立
家肥安啜哺天書憐譴謫重作朱轡客四座眼全青一
麾頭半白今來思往事往事益悽然風月同今昔悲歡
異目前四時嗟閱水一紀換流年獨有西庭鶴孤鳴白
露天

泛五湖

范子蛻冠履扁舟逸霄漢嗟予抱險艱怵驚瀾漫窮
通泛濫勞趣適殊昏旦浴日盪層空浮天淼無畔依灘
落葉聚立浦驚鴻散浪疊雪峰連山孤翠崕斷風帆同
巨壑雲矗成高岼宇宙可東西星辰沈粲爛霞生瀕洞
遠月吐青熒亂豈復問津迷休為呂梁歎漂沉身詎保
覆溺心長判吳越郡異鄉嬰童反為翫依稀占井邑嘹
唳同鵝鸛舉棹未宵分維舟方日旰徵斯濟川力若鼓
凌風翰易狎當悔遊臨深罔知難

憶登棲霞寺峰

香印煙火息法堂鐘磬餘紗燈耿晨焰釋子安禪居林
葉脫紅影竹煙含綺疏星珠錯落耀月宇參差虛顧眺
匪恣適曠襟懷卷舒江海淼清盪丘陵何所如滔滔可
問津耕者非長沮茅嶺感仙客蕭園成古墟移步下碧
峰涉澗更躊躇烏戲啄秋果翠鷺銜素魚迴塘彩鷁來
落景標林筵漾漾棹翻月蕭蕭風襲袂勞歌起舊思戚
歎竟難攄却數共遊者凋落非里閭

南梁行

江城鬱鬱春草長悠悠漢水浮青光雜英飛盡空晝景
綠楊重陰官舍靜此時醉客縱橫書公言可薦承明廬
青天詔下寵光至頒籍金閨徵石渠秭歸山路煙嵐隔
山木幽深晚花拆澗底紅光奪火燃搖風扇毒愁行客
杜鵑啼咽花亦殷聲悲絕艷連空山斜陽瞥映淺深樹
雲雨翻迷崖谷間山雞錦質矜毛羽透竹穿蘿命儔侶
喬木幽谿上下同雄雌不惑飛棲處望秦峰迴過商顏

浪疊雲堆萬簇山行盡杳冥青嶂外九重鐘漏紫霄間
元和列侍明光殿諫草初焚市朝變北闕趨臣半隙塵
南梁笑客皆飛霰追思感歎却昏迷霜髯愁吟到曉雞
故篋歲深開斷簡秋堂月曙掩遺題嗚嗚曉角霞輝粲
撫劒當應一長歎芻狗無由學聖賢空持感激終昏旦

過荆門

荆江水濶煙波轉荆門路遶山蔥蒨帆勢侵雲滅又明
山程背日昏還見青青麥隴啼飛鴉寂寞野逕棠梨花

行行驅馬萬里遠，淺入煙嵐危。棧賒林中有鳥飛，出谷
月上千巖一聲哭。腸斷思歸不可聞，人言恨魄來巴蜀。
我聽此鳥祝我魂，魂死勿學聲銜冤。縱為羽族莫棲息，
直上青雲呼帝閭。此時山月如銜鏡，出樹參差互輝映。
皎潔深看入澗泉，分明細見樵人徑。陰森鬼廟當郵亭，
雞豚日宰聞膾腥。愚夫禍福自迷惑，魍魎憑何通百靈。
月低山曉問行客，已酬椒漿拜荒陌。惆悵忠貞徒自持，
誰祭山頭望夫石。

涉沅瀟

屈原死處瀟湘陰
滄浪淼淼雲沈沈
蛟龍長怒虎長嘯
山水脩脩波浪深
煙橫日落驚鴻起
山映餘霞幾千里
鴻叫離離入暮天
霞消漠漠深雲水
水靈江暗揚波濤
鼉鼉動盪風騷騷
行人愁望待明月
星漢沈浮魑鬼號
屈原爾為懷忠沒
水府通天化靈物
何不驅雷擊電除
奸邪可憐空作沈
泉骨舉杯漉酒招
爾魂月彩滉漾開
乾坤波明水黑山
隱見汨羅之上遙
昏昏風帆候曉看

五兩戍鼓蕭蕭遠山響潮滿江津猿鳥啼荆夫楚語飛
蠻漿瀟湘島浦無人居風驚水暗惟鮫魚行來擊棹獨
長歎問爾精魂何所如

悲善才

穆皇夜幸蓬池曲金鑾殿開高秉燭東頭弟子曹善才
琵琶請進新翻曲翠蛾列坐層城女笙笛參差齊笑語
天顏靜聽朱絲彈衆樂寂然無敢舉銜花金鳳當承撥
轉腕籠絃促揮抹花翻鳳嘯天上來徘徊滿殿飛春雪

抽絃度曲新聲發金鈴玉佩相瑳切流鶯子母飛上林
仙鶴雌雄唳明月此時奉詔侍金鑾別殿承恩許召彈
三月曲江春草綠九霄天樂下雲端紫髯供奉前屈膝
盡彈妙曲當春日寒泉注射隴水開胡雁翻飛向天沒
日曛塵暗車馬散為惜新聲有餘歎明年冠劍閉橋山
萬里孤臣投海畔離禽鍛羽強迴飛白首生從五嶺歸
聞道善才成朽骨空餘弟子奉音徽南譙寂寞三春晚
有客彈絃獨淒怨靜聽深奏楚月光憶昔初聞曲江宴

心悲不覺淚闌干更為調絃反覆彈秋吹動搖神女佩
月珠敲擊水晶盤自憐淮海同泥滓恨魄疑心未能死
惆悵追懷萬事空雍門琴感徒為爾

上家山

上家山家山依舊好昔去松桂長今來容鬚老上家山
臨古道高低入雲樹蕪沒連天草草色綠萋萋寒蛩偏
草啼噪鴉啼樹遠行雁帖雲齊岳光翻落日僧火開經
室竹洞磬聲長松樓鐘韻疾苔階泉溜缺石甃青莎密

舊逕行處迷前交坐中失歎息整華冠持杯強自歡笑
歌憐稚孺絃竹縱吹彈山明溪月上酒滿心聊放卅髮
此淹留垂絲匪閒曠青山不可上昔事還惆悵况復白
頭人追懷空望望

憶西湖雙鷓鴣

雙鷓鴣錦毛爛斑長比翼戲遶蓮叢迴錦臆照灼花叢
兩相得漁歌驚起飛南北繚繞追隨不迷惑雲間上下
同棲息不作驚禽遠相憶東家少婦機中語剪斷迴文

泣機杼徒嗟孔雀銜毛羽一去東南別離苦五里徘徊
竟何補

早梅橋

早梅花滿枝發東風報春春未徹紫萼迎風玉珠裂楊
柳未黃鶯結舌委素飄香照新月橋邊一樹傷離別遊
蕩行人莫攀折不競江南艷陽節任落東風伴春雪

翡翠塢

翡翠飛飛繞蓮塢一啄嘉魚一鳴舞蓮莖觸散蓮葉歌

露滴珠光似還浦
虞人掠水輕浮弋
翡翠驚飛飛不息
直上層空翠影高
還向雲間雙比翼
彈射莫及弋不得
日暮虞人空歎息

姑蘇臺雜句

越王巧破夫差國
來獻黃金重雕刺
西施醉舞花艷傾
妬月嬌娥恣妖惑
姑蘇百尺曉鋪開
樓楣盡化黃金臺
歌清管咽歡未極
越師戈甲浮江來
伍胥抉目看吳滅
范蠡全身霸西越
寂寞千年盡古墟
蕭條兩地皆明月

靈巖香逕掩禪扉秋草荒涼偏落暉江浦迴看鷗鳥沒
碧峰斜見鷺鷥飛如今白髮星星滿却作閒官不閒散
野寺經過懼悔尤公程迫蹶悲秋館吳鄉越國舊淹留
草樹煙霞昔徧遊雲木夢迴多感歎不惟惆悵至長洲
憶春日太液池亭東候對

宮鶯報曉瑞煙開三島靈禽拂水迴橋轉彩虹當綺殿
艦浮花鷁近蓬萊草承香輦王孫長桃艷仙顏阿母栽
簪筆此時方侍從却思金馬笑鄒枚

憶夜直金鑾殿承旨

月當銀漢玉繩低，深聽簫韶碧落齊。
門壓紫垣高綺樹，閣連青瑣近丹梯。
墨宣外渥催飛詔，草布深恩促換題。
明日獨歸花路遠，可憐人世隔雲霓。

憶春日曲江宴後許至芙蓉園

春風上苑開桃李，詔許看花入御園。
香逕草中迴玉勒，鳳皇池畔泛金樽。
綠絲垂柳遮風暗，紅藥低叢拂砌繁。
歸繞曲江煙景晚，未央明月鎖千門。

早發

沙洲月落宿禽驚潮起風微曉霧生黃鶴浪明知上信
黑龍山暗避前程火旗似辨吳門戍水驛遙迷楚塞城
蕭索更看紅葉下兩鄉俱是宦遊情

守滁陽深秋憶登郡城望瑯琊

山城小閣臨青嶂紅樹蓮宮接薜蘿斜日半巖開古殿
野煙浮水掩輕波菊迎秋節西風急雁引砧聲北思多
清夜獨吟還不寐坐看凝露滿庭莎

滁陽春日懷果園閒宴

西園到日栽桃李紅白低枝拂酒杯繁艷只愁風處落
醉筵多就月中開勸人莫折憐芳草把燭頻看畏曉催
聞道數年深草露幾株猶得近池臺

過鍾陵

龍沙江尾抱鍾陵水郭村橋晚景澄江對楚山千里月
郭連漁浦萬家燈省拋雙旆辭榮寵遽落丹霄起愛憎
惆悵舊遊同草露却思恩顧一沾膺

肥河維舟阻凍祇待勅命

淮陽效理空多病疏受辭榮豈戀班
陳力不任趨北闕
有家無處寄東山疲驂豈念前程稅
倦鳥安能待暮還
珍重八公山下叟不勞重淚更追攀

初出淝口入淮

東風百里雪初晴淝口冰開好濯纓
野老擁途知意重
病夫拋郡喜身輕人心莫厭如絃直
淮水長憐似鏡清
回首夕嵐山翠遠楚郊煙樹隱襄城

憶東湖

菱歌罷唱鷁舟迴
雪鷺銀鷗左右來
霞散浦邊雲錦截
月臨湖面鏡波開
魚驚翠羽金鱗躍
蓮脫紅衣紫萼摧
淮口值春偏悵望
數株臨水是寒梅

宿揚州

江橫渡澗煙波晚
潮過金陵落葉秋
嘹唳塞鴻經楚澤
淺深紅樹見揚州
夜橋燈火連星漢
水郭帆檣近斗牛
今日市朝風俗變
不須開口問迷樓

憶被牛相留醉州中時無他賓牛公夜出真珠

輩數人

嚴城畫角三聲閉清宴金樽一夕同銀燭坐隅聽子夜
寶箏筵上起春風酒徵舊對慙衰質曲換新詞感上宮
淮海却從雲雨散杳然俱是夢魂中

憶題惠山寺書堂

故山一別光陰改秋露清風歲月多松下壯心年少去
池邊衰影老人過白雲生滅依巖岫青桂榮枯託薜蘿

惟有此身長是客又驅征旆寄煙波

杭州天竺靈隱二寺頃歲亦布衣一遊及赴鎮
會稽不敢以登臨自適竟不復到寺寺多猿
獠謂之孫團彌長其類因追思為詩二首

翠巖幽谷高低寺十里松風碧嶂連
盡春花芳草澗
偏通秋水月明泉石文照日分霞
壁竹影侵雲拂暮煙
時有猿獠擾鐘磬老僧無復得安禪

人煙不隔江城近水石雖清海氣深
波動只觀羅刹相

靜居難識梵王心
魚局畫鏤龍宮寶
雁塔高摩欲界金
近日尤聞重雕飾
世人遙禮二檀林

海榴亭

海榴亭早開繁榮
光照晴霞破碧煙
高近紫霄疑菡萏
迴依江月半嬋娟
懷芳不作翻風艷
別萼猶含泣露妍
搖落舊叢雲水隔
不堪行坐數流年

望海亭

鳥盈兔缺天涯迴
鶴背松梢拂檻低
湖鏡坐隅看匣滿

海濤生處辨雲齊夕嵐明滅江帆小
煙樹蒼茫客思迷
蕭索感心俱是夢九天應共草萋萋

滿桂樓

為憐湖水通宵望不學樊楊却月樓
惟待素規澄滿
鏡莫看纖魄挂如鉤
卷簾方影侵紅燭繞竹斜暉透
碧流蕭瑟曉風聞木落此時何異洞庭秋

晏安寺

寺深松桂無塵事地接荒郊帶夕陽
啼鳥歇時山寂寂

野花殘處月蒼蒼
絳紗凝焰開金像
清楚消聲閉竹房
丘隴漸平連茂草
九原何處不心傷

寒林寺

最深城郭在人煙
疑借壺中到梵天
巖樹桂花開月殿
石樓風鐸繞金仙
地無塵染多靈草
室鑒真空有定泉
應是法宮傳覺路
使無煩惱見青蓮

迴望館娃故宮

江雲斷續草綿連
雲隔秋波樹覆煙
飄雪荻花鋪漲渚

變霜楓葉卷平田
雀愁化水喧斜日
鴻怨驚風叫暮天
因問館娃何所恨
破吳紅臉尚開蓮

開元寺

十層花宇真毫相
數仞峰巒閔月扉
攢立寶山中色界
散周香海小輪圍
坐隅咫尺窺巖壑
窗外高低辨翠微
難保爾形終不轉
莫令偷拂六銖衣

臯橋

伯鸞憔悴甘飄寓
非向囂塵隱姓名
鴻鵠羽毛終有志

素絲琴瑟自諧聲故橋秋月無家照古井寒泉見底清
猶有餘風未磨滅至今鄉里重和鳴

真娘墓

一株繁艷春城盡雙樹慈門忍草生愁態自隨風燭滅
愛心難逐雨花輕黛消波月空蟾影歌息梁塵有梵聲
還似錢塘蘇小小祇應迴首是卿卿

重到惠山

碧峰依舊松筠老重得經過已白頭俱是海天黃葉信

兩逢霜節菊花秋望中白鶴憐歸翼行處青苔恨昔遊
還向窗間名姓下數行添記別離愁

別石泉

素沙見底空無色青石潛流暗有聲微渡竹風涵淅瀝
細浮松月透輕明桂凝秋露添靈液茗折香芽泛玉英
應是梵宮連洞府浴池今化醒泉清

別雙溫樹

翠條盈尺憐孤秀植向西窗待月軒輕剪綠絲秋葉暗

密扶纖幹夏陰繁故山手種空懷想溫室心知不敢言
看爾拂雲今得地莫隨陵谷改深根

毘陵東山

昔人別館淹留處卜築東山學謝家叢桂半空摧枳棘
曲池平盡隔煙霞重開漁浦連天日更種春園滿地花
依舊秋風還寂寞數行衰柳宿啼鴉

建元寺

江城物候傷心地遠寺經過禁火辰芳草隴邊迴首客

野花叢裏斷腸人
紫荆繁艷空門晝
紅藥深開古殿春
歎息光陰催白髮
莫悲風月獨沾巾

宿揚州館

舟依淺岼參差合
橋映晴虹上下連
輕櫂過時搖水月
遠燈繁處隔秋煙
却思海嶠還悽歎
近涉江濤更凜然
閒凭闌干指星漢
尚疑軒蓋在樓船

却入泗口

洪河一派清淮接
堤草蘆花萬里秋
煙樹寂寥分楚澤

海雲明滅見揚州望深江漢連天遠思起鄉閭滿眼愁
惆悵路歧真此處夕陽西沒水東流

重入洛陽東門

商顏重命伊川叟時事知非入洛人連野碧流通御苑
滿階秋草過天津每慚清秩容衰齒猶有華簪寄病身
驅馬獨歸尋里巷日斜行處舊紅塵

慶雲見

禮成中嶽陳金冊祥報卿雲冠玉峰輕未透林疑待鳳

細非行雨詎從龍
卷風變彩霏微薄
照日籠光映隱重
還入九霄成沆瀣
夕嵐生處鶴歸松

過吳門二十四韻

煙水吳都郭
閭門架碧流
綠楊深淺巷
青翰往來舟
朱戶千家室
丹楹百處樓
水光搖極浦
草色辨長洲
憶作麻衣翠
曾為旅棹遊
放歌隨楚老
清宴奉諸侯
花寺聽鶯入
春湖看雁留
里吟傳綺唱
鄉語認觥謳
橋轉攢虹飲
波通鬪鷁
浮竹扉梅圃
靜水巷橘園
幽縫堵荒廩
苑

穿巖破虎丘舊風猶越鼓餘俗尚吳鉤故館曾閒訪遺
基亦徧搜吹臺山木盡香逕佛宮秋帳殿荻蒲掩雲房
露霧收芡蘿妖覆滅荆棘鬼包羞風月俄黃綬經過半
白頭重來冠蓋客非復別離愁候火分通陌前旌駐外
郵水風搖綵旆堤柳引鳴騶問吏兒孫隔呼名禮敬脩
顧瞻殊宿昔語默過悲憂義感心空在容衰日易偷還
持滄海詔從此布皇猷

題法華寺五言二十韻

花界無生地慈宮有相天化娥騰寶像留影閎金仙殿
湧全身塔池開半月泉十峰排碧落雙澗合清漣藥草
經行徧香燈次第燃戒珠高臘護心印祖僧傳瓶識先
羅漢衣垂舊福田幻身觀火宅昏眼照青蓮住覺超真
境依遊渡法船化城珠百億靈跡冠三千蕭壁將沈影
梁薪尚綴煙色塵知有數劫燼豈無年龍噴疑通海鯨
吞想漏川磬踈聞啟梵鐘息見安禪指喻三車覺開迷
五陰纏教通方便入心達是非詮貝葉千花藏檀林萬

寶篇坐嚴獅子迅幢飾網珠懸極樂知無礙分明應有緣還將意功德留偈法王前

却到無錫望芙蓉湖

丹橘村邊獨火微碧流明處雁初飛蕭條落葉垂楊岫隔水寥寥聞擣衣

逐波雲影參差遠昔日嵐光隱見深猶似望中連海樹月生湖上是山陰

水寬山遠煙嵐迴柳岫縈迴在碧流清晝不風鳬雁少

卻疑初夢鏡湖秋

柳

陶令門前甯接羅亞夫營裏拂朱旗人事推移無舊物
年年春至綠垂絲

千條垂柳拂金絲日暖牽風葉學眉愁見花飛狂不定
還同輕薄五陵兒

至潭州聞猿

昔陪天上三秋客今作端州萬里人湘浦更聞猿夜嘯

斷腸無淚可沾巾

崔峒

江東人

揚州選蒙相公賞判雪後呈上

自得山公許休耕海上田
慚看長史傳欲棄釣魚船
窮巷殷憂日蕪城雨雪天
此時瞻相府心事比旌懸

客舍書情寄趙中丞

東楚復西秦浮雲類此身
闕山勞策蹇僮僕慣投人
孤客來千里全家託四隣
生涯難自料中夜問情親

書懷寄楊郭李王判官

慣作雲林客因成懶漫人吏欺從政拙妻笑理家貧
李郭應時望王楊入幕頻從容丞相閣知憶故園春

酬李補闕雨中寄贈

十年隨馬宿幾度受人恩白髮還鄉井微官有子孫
竹窗寒雨滴苔砌夜蟲喧獨媿東垣友新詩慰旅魂

送侯山人赴會稽

仙客辭蘿月東來就一官且歸滄海住猶向白雲看猿

叫江天暮蟲吟野浦寒時遊鏡湖裏為我把魚竿

宿禪智寺上方演大師院

石林高幾許金刹在中峰白日空山梵晴霜後夜鐘竹
窗迴翠壁苔逕入寒松幸接無生法塵心昧所從

題空山人石室

早晚悟無生頭陀不到城雲山知夏臘猿鳥見修行地
僻無溪路人尋逐水聲年年深谷裏誰識遠公名

登蔣山開善寺

山殿秋雲裏香煙出翠微客尋朝磬食僧背夕陽歸下
界千門見前朝萬事非看心兼送目葭菼暮依依

送韋員外還京

十年離亂後此去若為情春晚香山綠人稀豫水清野
陂看獨樹關路逐殘鶯前殿朝明主應憐白髮生

潤州送友人

見君還此地灑淚向江邊國士勞相問家書無處傳荒
城胡馬跡塞木戍人煙一路堪愁思孤舟何渺然

送陸明府之盱眙

陶令之官去窮愁慘別魂白煙橫海戍紅葉下淮村澹
浪搖山郭平蕪到縣門政成堪吏隱免負府公恩

送薛良史往越州謁從叔

辭家年已久與子分偏深易得相思淚難為欲別心孤
雲隨浦口幾日到山陰遙想蘭亭下清風滿竹林

送丘二十二之蘇州

積水與寒煙嘉禾路幾千孤猿啼海島羣雁起湖田曾

寄長沙什常聞大雅篇却將封事去知爾愛閒眠

登潤州芙蓉樓

上古人何在東流水不歸往來潮有信朝暮事成非
煙樹臨沙靜雲帆入海稀郡樓多逸興良牧謝玄暉

書情寄上蘇州韋使君兼呈吳縣李明府

數年湖上謝浮名竹杖紗巾遂性情雲外有時逢寺宿
日西無事傍江行陶潛縣裏看花發庾亮樓中對月明
誰念獻書來萬里君王深在九重城

贈同官李明府

訟堂寂寂對煙霞
五柳門前聚曉鴉
流水聲中視公事
寒山影裏見人家
觀風競美新為政
計日還知舊觸邪
可惜陶潛無限酒
不逢籬菊正開花

贈竇十九

靈臺暮宿意多違
木落花開美客歸
江海幾時傳錦字
風塵不覺化緇衣
山陽會裏同人少
灞曲農時故老稀
幸得漢皇容直諫
憐君未遇覺人非

虔州見鄭表新詩因以寄贈

梅花嶺裏見新詩，感激情深過楚詞。
平子四愁今莫比，休文八詠自同時。
萍鄉露冕真堪惜，鳳詔鳴珂已訝遲。
才子風流定難見，湖南春草但相思。

送馮八將軍奏事畢歸滑臺幕府

王門別後到滄州，帝里相逢俱白頭。
自歎馬卿常帶疾，還嗟李廣不封侯。
棠梨宮裏瞻龍袞，細柳營中着虎裘。
想到滑臺桑葉落，黃河東注杏園秋。

送王侍御佐婺州

聞君作尉向江潭
吳越風煙到自諳
客路尋常經竹徑
人家大底傍山嵐
緣溪花木偏宜遠
避地衣冠盡向南
惟有夜猿啼海樹
思鄉望北意難堪

送皇甫冉往白田

江邊盡日雉鳴飛
君向田間何日歸
楚地蒹葭連海迥
隋朝楊柳映堤稀
津樓故市無行客
山館空庭閉落暉
試問疲人與征戰
使君雙淚定沾衣

題蘭若

絕頂茅庵老此生寒雲孤木獨經行
世人那得知幽逕遙向青峰禮磬聲

送賀蘭廣赴選

而今用武爾攻文流輩干時獨卧雲
白髮青袍趨會府定應衡鏡却慙君

陳羽

江東人

公子行

金羈白馬郎何處踏青來馬驕郎半醉蹀躞望樓臺似
見樓上人玲瓏窗戶開隔花聞一笑落日不知回

古歌

長相思長相思相思無限極相思苦相思相思損容色
容色真可惜相思不可徹日日長相思相思腸斷絕腸
斷絕淚還續閒人莫作相思曲

春園卽事

水隔羣物外花深風起頻霜中千樹橘月下五湖人聽

鶴忽忘寢見山如得隣明年還到此共看洞庭春

冬晚送友人使西蕃

驛使向天西巡羌復入氐玉關晴有雪沙磧雨無泥落
淚軍中笛驚眠塞上難逢春鄉思苦萬里草萋萋

送戴端公赴容州

分命諸侯重歲蕤繡服香八蠻治險阻千騎踏繁霜山
斷旌旗出天清劒佩光還將小戴禮遠出化南方

送殷華之淇州

離堂悲楚調君奏豫章行愁處雪花白夢中江水清扣
舷歌月色避浪宿猿聲還作經年別相思湖草生

御溝新柳

苑苑如絲柳含黃一望新未成溝上暗且向日邊春弄
色滋宵露垂枝染夕塵夾堤連太液還似映天津

中秋夜臨鏡湖望月

鏡裏秋宵望湖平月彩深圓光珠入浦浮照鵲驚林澹
動光還翠嬋娟影不沈遠時生岼曲空處落波心迴徹

輪初滿孤明魄未侵桂枝如可折何惜夜登臨

西蜀送許中庸歸秦赴舉

春色華陽國秦人此別離
驛樓橫水影鄉落入花枝
日暖鶯飛好山晴馬去遲
劒門當石隘棧閣入雲危
旅夢驚蝴蝶殘芳怨子規
碧霄今夜月惆悵上峨眉

送友及第歸江東

五陵春色泛花枝心醉花前遠
別離落羽恥為關右客
成名空羨里中兒都門雨歇愁分處
上店燈殘夢到時

家住洞庭多釣伴因來相賀話相思

長安卧病秋夜言懷

一作盧綸詩

九重門鎖禁城秋月過南宮
漸映樓紫陌夜深槐露滴
碧空雲淨火星流清風刺漏傳
三殿甲第歌鐘樂五侯
楚客病來鄉思苦寂寥燈下不勝愁

江上愁思二首

江上翁開門開門向衰草
只知愁子孫不覺生涯老
江上草莖枯莖枯葉復焦
那堪芳意盡夜夜沒寒潮

吳城覽古

吳王舊國水煙空
香逕無人蘭葉紅
春色似憐歌舞地
年年先發館娃宮

九月十日即事

漢江天外東流去
巴塞連山萬里秋
節過重陽人病起
一枝殘菊不勝愁

遊洞靈觀

初訪西城李少君
獨行深入洞天雲
風吹青桂寒花落

香繞仙壇處處聞

湘妃怨

二妃愁處雲沈沈
二妃怨處湘江深
商人酒滴廟前草
蕭索風生斑竹林

襄陽過孟浩然舊居

襄陽城郭春風起
漢水東流去不還
孟子死來江樹老
煙霞猶在鹿門山

廣陵秋夜對月即事

霜落寒空上月樓月中歌唱滿揚州相看醉舞倡樓月
不覺隋家陵樹秋

小江驛送陸侍御歸湖上山

鶴唳天邊秋水空荻花蘆葉起西風今夜渡江何處宿
會稽山在月明中

伏翼洞送夏方慶

洞裏春晴花正開看花出洞幾時回殷勤好囑武陵客
莫引世人相逐來

送德輿歸穿石洞山居

烏巾年少歸何處一片綵霞山洞中惆悵別時花似雪
行人不肯醉春風

洛下贈徹公

天竺沙門洛下逢請為同社笑相容支願忽望碧雲裏
心愛嵩山第幾峰

石倉歷代詩選卷六十八

欽定四庫全書

石倉歷代詩選卷六十九

明曹學佺編

中唐二十三

張祜

字承吉
清河人

早春錢唐湖晚

落日下林坡
撫襟睇前蹤
輕澌流迴浦
殘雪明高峰
仰視天宇曠
俯登雲樹重
聊當問真界
昨夜西巒鐘

送徐彥夫南遷

萬里客南遷孤城渤海邊
瘴雲秋不斷陰火夜長然
月上行虛市風迴望船舶
知君還自潔更為酌貪泉

贈契衡上人

小門開板閣終日是逢迎
語笑人同坐修持意別行
水蒲秋始露風竹夏長清
不恨恓惶久憐師記姓名

送楊秀才游蜀

鄂渚逢遊客瞿塘上去船
峽深明月夜江靜碧雲天
舊

俗巴渝舞新聲蜀國絃不堪揮別恨一涕自潛然

途中逢李道實遊蔡州

征馬漢江頭逢君上蔡遊野橋經亥市山路過申州僻
地人行澀荒村虎跡稠殷勤話新守生物賴諸侯

題貞娘墓

墓在虎丘
西寺內

佛地葬羅衣孤魂此是歸舞為蝴蝶夢歌謝伯勞飛翠
髮朝雲在青蛾夜月微傷心一花落無復怨春輝

洞庭南館

一逕逗霜林朱欄繞碧岑地盤雲夢角山鎮洞庭心樹
白看煙起沙紅見日沉還因此悲屈惆悵又行吟

題贈仲儀上人院

星霜幾朝寺香火靜居人黃葉不經意青山無事身度
生臺上律結座履中塵自說一時課別來詩更新

題山水障子

一見秋山色方憐畫手稀波濤連壁動雲物下簷飛嶺
樹冬猶發江帆暮不歸端然是漁叟相向日依依

詠風

摇摇歌扇舉悄悄舞衣輕
引笛秋臨塞吹沙夜遶城
向峰迴雁影出峽送猿聲
何似琴中奏依依帶別情

江城晚眺

重檻構雲端江城四鬱盤
河流出郭靜山色對樓寒
浪草侵天白霜林映日丹
悠然北江思樹杪幾檣竿

題樟亭

曉霽憑虛檻雲山四望通
地盤江岼絕天映海門空
樹

色連秋靄潮聲入夜風年年此光景催盡白頭翁

題海鹽南館

故人營此地臺館尚依依
黑夜山魃語黃昏海燕歸
舊陰楊葉在殘雨槿花稀
無復南亭賞高簷紅燭輝

晚秋江上作

萬里窮愁客蕭條對落暉
煙霞山鳥散風雨廟神歸
地遠蛩聲切天長雁影稀
那堪正砧杵幽思想寒衣

吳宮曲

日下苑西宮花飄香徑紅玉釵斜白燕羅帶弄青蟲皓
齒初含雪柔枝欲斷風可憐傾國艷誰信女為戎

賦昭君塚

萬里關山塚明妃舊死心恨為秋色晚愁結暮雲陰夜
切胡風起天高漢月臨已知無玉貌何事送黃金

晚夏歸別業

古岬扁舟晚荒園一徑微鳥啼新菓熟花落故人稀宿
潤侵苔甃斜陽照竹扉相逢盡鄉老無復話時機

題李漬山居玉潭

古樹千年色蒼崖百丈陰
髮寒泉氣靜神駭玉光沉
上穴青冥小中連碧海深
何當煙月下一聽夜龍吟

旅次石頭岬

行行石頭岬身事兩相違
舊國日邊遠故人江上稀
水聲寒不盡山色暮相依
惆悵未成語數行鷗又飛

旅次上饒溪

碧溪行幾折凝棹宿汀沙
角斷孤城掩樓深片月斜
夜

橋昏水氣秋竹靜霜華更想曾題壁凋零可嘆嗟

題贈志凝上人

悟色身無染觀空事不生道心長日笑覺路幾年行片
月山林靜孤雲海棹輕願為塵外契一就智珠明

靈徹上人

老僧何處寺秋夢繞江濱獨樹月中鶴孤舟雲外人榮
華長指幻衰病久觀身應笑無成者滄洲垂一綸

贈僧雲栖

塵尾與筇杖幾年離石壇
梵餘林雪厚棋罷岳鐘殘
開卷喜先悟漱瓶知早寒
衡陽寺前雁今日到長安

寄遷客

萬里南邊客辛勤嶺路遙
溪行逢水駕野店避山魈
瘴海須求藥貪泉莫舉瓢
但能堅志義白日甚昭昭

江南作

楚塞南行久秦城北望遙
少年花已過衰病柳先凋
客淚收迴日鄉心寄落潮
殷勤問春雁何處是煙霄

題上饒亭

溪亭拂一琴促軫坐披襟
夜月水南寺秋風城外砧
早霜紅葉靜新雨碧潭深
惟是壺中物憂來且自斟

送沈下賢謫尉南康

秋風江上草先是客心摧
萬里故人去一行新雁來
山高雲緒斷浦迥日波顏
莫怪南康遠相思不可裁

江西道中作

日落紅邨遠煙雲度幾重
問人孤驛路驅馬亂雲峰
夜

入霜林火寒生水寺鐘淒涼哭途意行處又饑凶

樂靜

引手強簪巾徐徐起病身遠心羣野鶴閒話對村人發
匣琴徽靜開瓶酒味真縱聞兵賦急原憲本家貧

題重居寺

浮圖經近郭長日羨僧閒竹徑深開院松門遠對山重
廊標板榜高殿瑣金環更間宗雷室西行咫尺間

題造微禪師院

夜香聞偈後岑寂掩雙扉
照竹燈和雪穿雲月到衣
草堂踈磬斷蕭寺故人稀
惟憶江南雨春風獨鳥飛

箏

綽綽下雲煙微收皓腕鮮
夜風生碧柱春水咽紅絃
翠珮輕猶觸鶯枝澁未遷
芳音何更妙清月共嬋娟

笙

董雙成一妙歷歷韻風篁
清露鶴聲遠碧雲仙吹長
氣侵銀項濕膏沐漆瓢香
曲罷不知處巫山空夕陽

五絃

小小月輪中斜抽半袖紅
玉瓶秋滴水珠箔夜懸風
微調侵絃乙商聲過指攏
只愁纔曲罷雲雨去巴東

笛

紫清人一管吹在月堂中
雁起雪雲夕龍吟煙水空
虜塵深漢地羌思切邊風
試弄陽春曲西園桃已紅

溪行寄京城故人

白日長多事清溪偶獨行
雲歸秋水濶月出夜山深
坐

想天涯去行悲海畔吟京華故人在誰復念浮沉

夕次桐廬

百里清溪口扁舟此去過晚潮風勢急寒葉雨聲多
出山頭鼓橋通竹裏歌不堪無酒夜回首夢煙波

入潼關

都城三百里雄險復迴環地勢遙尊嶽河流側讓關
秦皇曾虎視漢祖昔龍顏何事梟雄輩干戈自不閒

題萬道人禪房

何處鑿禪壁西南江上峰殘陽過遠水落葉滿踈鐘世
事靜中去道心塵外逢欲知情不動牀下虎留踪

病後訪山客

久病倦衾枕獨行來訪君因逢歸馬客共對出溪雲新
月坐中見暮蟬愁裏聞相歡貴無事莫想路岐分

題松汀驛

山色遠含空蒼茫澤國東海明先見日江白迥聞風鳥
道高原去人煙小徑通那知舊遺逸不在五湖中

石頭城寺

山勢抱煙光重門突兀傍連簷金像閣半壁石龕廊碧
樹藂高頂清池占下方徒悲宦游意盡日老僧房

題潤州金山寺

一宿金山寺超然離世羣僧歸夜船月龍出曉堂雲樹
色中流見鐘聲兩岫聞翻思在朝市終日醉曛曛

題潤州甘露寺

千重構橫險高步出塵埃日月光先見江山勢盡來冷

雲歸水石清露滴樓臺況是東溟上平生意一開

題杭州孤山寺

樓臺聳碧岑一徑入湖心不雨山長潤無雲水自陰
斷橋荒蘚澀空院落花深猶憶西牕月鐘聲在北林

秋夜宿靈隱寺師上人

月色荒城外江聲野寺中貧知交道薄老信釋門空
露葉凋堦蘚風枝戛井桐不妨無酒夜閒話值生公

題道光上人山院

真僧上方界山路正巖巖地僻泉長冷亭香草不凡火
田生白菌煙岫老青杉盡日惟山水當知律行嚴

贈廬山僧

一室鑪峰下荒榛手自開粉牌新薤葉竹節小葱臺樹
黑雲歸去山明日上來便知心是佛堅坐對寒灰

題惠山寺

舊宅人何在空門客自過泉聲到池盡山色上樓多小
洞生斜竹重堦夾細莎殷勤望城市雲水暮鐘和

題虎丘寺

輕棹駐迴流門登金虎丘霧青山月曉雲白海天秋倚
殿松株澁歌庭石片幽青蛾幾時墓空色尚悠悠

題虎丘東寺

雲樹擁崔嵬成行異俗埃寺門山外入石壁地中開仰
砌池光動登樓海氣來傷心萬里意金玉葬寒灰

題虎丘西寺

囂塵楚城外一寺枕通波松色入門遠岡形連院多花

時長到處別路半經過惆悵舊禪客空房深薜蘿

題招隱寺

千年戴顓宅佛廟此崇修古井人名在清泉鹿跡幽竹
光寒閉院山影夜藏樓未得高僧杳煙霞空暫游

題惠昌上人

半巖開一室香燭細氛氲石上漱秋水月中行夏雲律
持僧講疏經誦梵書文好是風廊下遙遙挂褐裙

題杭州天竺寺

西南山最勝一界是諸天上路穿巖竹分流入寺泉躡
雲丹井畔望月石橋邊洞壑江聲遠樓臺海氣連塔明
春嶺雪鐘散暮松煙何處去猶恨更看峰頂蓮

題杭州靈隱寺

峰巒開一掌朱檻幾環延佛地花分界僧房竹引泉五
更樓下月十里郭中煙後塔聳亭後前山橫閣前溪沙
涵水靜澗石點苔鮮好是呼猿久西巖深響連

題弋陽館

一葉飄然下弋陽殘霞昏日樹蒼蒼吳溪漫漶干將劍
却是猿聲斷客腸

瓜州聞曉角

寒耿稀星照碧宵月樓吹角夜江遙五更人起煙霜靜
一曲殘聲送落潮

秋曉送鄭侍御

離鴻聲怨碧雲淨楚瑟調高清曉天盡日相看俱不語
西風搖落數枝蓮

題青龍寺

二十年沉滄海間一游京國也因閒人人盡到求名處
猶向青龍寺看山

題秀師影堂

陰陰古寺杉松下記得長明一焰燈盡日看山人不會
影堂中是別來僧

邠王小管

虢國潛行韓國隨宜春深院映花枝金輿遠幸無人見

偷把邠王小管吹

題靈徹上人舊房

寂寞空門支道林
滿堂詩板舊知音
秋風吹葉古廊下
一半繩牀燈影深

折楊柳枝

莫折宮前楊柳枝
玄宗曾向笛中吹
傷心日暮煙霞起
無恨春愁生翠眉

華清宮

天闕沉沉夜未央
碧雲仙曲舞霓裳
一聲玉笛向堂盡
月滿驪山宮漏長

長門怨

日映宮牆柳色寒
笙歌遙指碧雲端
珠鉛滴盡無心語
強把花枝冷笑看

平原路上題郵亭殘花

雲暗山橫日欲斜
郵亭下馬對殘花
自從身逐征西府
每到花時不在家

夜宿湓浦逢崔昇

江流不動月西沉
南北行人萬里心
況是相逢雁天夕
星河寥落水雲深

雨霖鈴

雨霖鈴夜却歸秦
猶見張徽一曲新
長說上皇和淚教
月明南內更無人

塞上聞笛

一夜梅花笛裏飛
冷沙晴檻月光輝
北風吹盡向何處

高入塞雲燕雁稀

題鶴林寺

昔日名僧多異時道情虛遣俗情悲
千年鶴在市朝變
來去舊山人不知

題金陵渡

金陵津渡小山樓一宿行人自可愁
潮落夜江斜月裏
兩三星火是瓜州

登樂遊原

幾年詩酒滯江干
水積雲重思萬端
今日南方惆悵盡
樂游原上見長安

縱游淮南

十里長街市井連
月明橋上看神仙
人生只合楊州死
禪智山邊好墓田

朱慶餘

原名可久
越州人

送吳秀才泛江西

澤潞西邊戍蘭橈
北去人出門雖恨別
投分不緣貧杯

酒從年少知音在日新東湖發詩意夏卉竟如春

泛溪

曲渚迴花舫生衣臥向風鳥飛溪色裏人語棹聲中餘
卉纔分影新蒲自作叢前灣更幽絕雖淺去猶通

宿陳處士書齋

結茅當此地下馬見高情
孤葉寒塘晚杉陰白石明
向爐新茗色隔雪遠鐘聲
閒得相逢少吟多寐不成

上張水部

出入玉闌人兒童亦有情
不忘將姓字常說向公卿
每許連牀坐仍容竝馬行
恩深轉無語懷抱甚分明

鳳翔西池與賈島納涼

四面無炎氣清池濶復深
蝶飛逢草住魚戲見人沉
拂石安茶器移牀選樹陰
幾迴同到此盡日得閒吟

送淮陰丁明府

之官未入境已有愛人心
遣吏回中路停舟對遠林
島聲淮浪靜雨色稻苗深
暇日公門掩惟應伴客吟

送韋校書佐靈州

共知行處樂猶惜此時分
職已為書記官曾校典墳
寒城初落葉高戍遠生雲
邊事何須問深謀祇在君

上江州李史君

起家聲望重自古更誰過
得在朝廷少還因諫諍多
經年愁瘴癘幾處遇風波
入境無餘事惟聞父老歌

題青龍寺

寺好因崗勢登臨值夕陽
青山當佛閣紅葉滿僧廊
竹

色連平地蟲聲在上方最憐東面靜為近楚城墻

夏日題武功姚主簿

亭午無公事垂簾樹色間僧來茶竈煖吏去印牀閒
傍竹行穿巷當門立看山吟詩老不倦未省話官班

寄友人

當代知音少相思在此身一分南北路長問往來人是
處應為客何門許掃塵憑書正惆悵蜀魄數聲新

題毗陵上人院

院深終日靜落葉覆秋蟲盥漱新齋後修行未老中映
松山色遠隔水磬聲通此處宜清夜高吟永與同

送盛長史

莫辭東路遠此別豈閒行職處中軍要官兼上佐榮野
亭楓葉暗秋水藕花明拜省期將近孤舟促去程

題胡氏溪亭

亭與溪相近無時不見風澗松生便黑野蘚看多紅雨
足秋聲後山沉夜色中主人能守靜略與客心同

寄賈島所居

求閒身未得此日到京東
獨在鐘聲外相逢山色中
誰言人漸老所向意皆同
月上因留宿移牀對藥叢

送僧遊溫州

夏滿隨所適江湖非繫緣
卷經離嶠寺隔葦上秋船
水落無風夜猿啼欲雨天
石門期獨往謝守有遺篇

河亭

孤亭臨絕岸猿鳥識幽蹊
花落曾誰到詩成獨未題
潮

痕經雨在石笋與杉齊謝守便登陟秋來屐齒低

和處州嚴郎中遊南溪

四望非人境從前洞穴深潭清蒲遠岸嵐積樹無陰看
草初移屐捫蘿忽竝簪世嫌山水僻誰伴謝公吟

送李侍御入蕃

遠使隨雙節新官屬外臺戎裝非好武書記本多才移
帳依泉宿迎人帶雪來心知玉闕道稀見一花開

山居

歸來青壁下又見滿籬霜轉覺琴齋靜閒從菊地荒山
泉共鹿飲林果讓僧嘗時復收新藥隨雲過石梁

重過惟貞上人院

老去惟求靜都忘外學名掃牀秋葉滿對客遠雲生香
閣閒留宿晴堦暖共行牕西暮山色依舊入詩情

與石畫秀才過普照寺

問人知寺路松竹暗春山潭黑龍應在巢空鶴未還經
年為客遠半日與僧閒更共嘗新茗聞鐘笑語間

題任處士幽居

昔與幽人別停舟對草堂
湖雲侵臥位杉露滴茶牀
山月吟時在池花覺後香
生涯無一物誰與讀書糧

送品上人入秦

獨去何人見林塘共寂寥
生緣聞磬早覺路出塵遙
江雪沾新草秦園發故條
心知禪定處石室對芭蕉

和劉補闕秋園富興之什

逍遙人事外杖屨入杉蘿
草色寒猶在蟲聲晚漸多
靜

逢山鳥下幽稱野僧過幾許新聞菊閒從落葉和

其二

留情清景宴朝罷有餘閒蝶散紅蘭外螢飛白露間
墻高微見寺林靜遠分山吟罷期相訪殘陽自掩關

其三

蒼翠經宵在園廬景自深風淒欲去燕月思向來砧
碧石當莎逕寒烟冒竹林杯瓢閒寄詠清絕是知音

其四

竹逕通鄰圃，清深稱獨遊。
蟲絲交影細，藤子墜聲幽。
稱潤苔紋厚，迎寒薺葉稠。
閒來尋古畫，未廢執茶甌。

自述

畸人甘寂寞，居處遍蒼苔。
後夜蟾光滿，鄰家樹影來。
豈知蓮帳好，自愛草堂開。
願苔相思意，援毫愧不才。

秋宵讌別盧侍御

風亭絃管絕，玉漏一聲新。
綠茗香醒酒，寒燈靜照人。
清班無意戀，素業本來貧。
明發青山道，誰逢去馬塵。

贈律師院

粉壁通蓮徑扁舟到不迷
葦聲過枕上湖色滿牕西
但見修行苦誰論夏臘低
閒看種來樹已覺與身齊

送僧往台嶽

五城初罷講海上憶閒行
觸雪麻衣靜登山竹錫輕
天寒嶽寺出日晚島泉清
坐與幽期遇何人識此情

送祝秀才歸衢州

舊隱穀溪上憶歸年已深
學徒花下別鄉路雪邊尋
騎

吏陪春賞江僧伴晚吟高科如在意當自惜光陰

送虛上人遊天台

青冥通去路誰見獨隨緣此地春前別何山夜後禪石
橋隱深樹朱闌見晴天好是修行處師當住幾年

送僧

客行皆有為師去是閒游野望攜金策禪棲寄石樓山
深松翠冷潭靜菊花秋幾處題青壁袈裟澣瀑流

旅中秋月有懷

久客未還鄉中秋倍可傷暮天飛旅雁故國在衡陽島
外歸雲迥林間墜葉黃數宵千里夢時見舊書堂

湖中閒坐遣興

釣艇同琴酒良宵背水濱風波不起處星月盡隨身浦
迥湘煙卷林香嶽氣春誰知此中興寧羨五湖人

題娥皇廟

娥皇揮涕處東望九疑天往事難重問孤峯尚慘然夜
深寒峒響秋近碧蘿鮮未省明君意遺蹤萬古傳

宿山居

山店燈前客醺身未有媒鄉闌貧後別風雨夜深來上
國求丹桂衡門長綠苔堪驚雙鬢雪不待歲寒催

夏末留別洞庭知己

清秋時節近分袂獨淒然此地折高柳何門聽暮蟬浪
搖湖外日山背楚南天空感迢迢事榮歸在幾年

旅中過重陽

一歲重陽至羈游在異鄉登高思舊友滿目是窮荒草

際飛雲片天涯落雁行故山籬畔菊今日為誰黃

塞下感懷

塞下閒為客鄉心宜易安程途過萬里身事尚孤寒竟
日風沙急臨秋草木殘何年方致主時拂劍塵看

贈至寂禪師

處世惟披袖禪門幾歲寒法空無所染性悟不多看竟
日門長掩相逢草自殘有時尋道侶飛錫度峯巒

閒居即事

深嶂多幽景閒居野興清滿庭秋雨過連夜綠苔生石
面橫琴坐松陰採藥行超然塵事外不似絆浮名

廢宅花

數樹荒庭上芬芳映綠苔自緣逢暖發不是為人開色
豔鶯猶在香消蝶已回相從無勝事誰向此傾杯

留別盧玄休歸荆門

江邊離別心言罷各沾襟以我去帆遠知君離恨深雲
開孤鳥出浪起白鷗沉更作來年約陽臺許伴尋

酬吳之問見贈

已當聽雁夜多事不同居故疾離城晚秋霖見月踈
起風開靜戶帶葉卷閒書盪漿期南去荒園久廢鋤

送康紹歸建業

南朝秋色滿君去意如何帝業空城在民田壞塚多月
圓臺獨上栗綻寺頻過籬下西江水相思見白波

再過王輅原居納涼

夏天多憶此早晚得秋分舊月來還見新蟬坐忽聞扇

風調病葉溝水隔殘雲別有微涼處從容不似君

出關寄賈島

舊鄉無子孫誰共老青門迢遞早秋路別離深夜村伊
流背遠客岳響荅啼猿去後期招隱何當復此言

贈胡僧

瘦形無血色草屨著行穿閒話似持呪不眠同坐禪背
經來漢地袒膊過冬天情性人難會游方但信緣

懷西峰隱者

灌水藏岑色天寒望即愁高齋何日去遠瀑入城流臘
近溪書絕燈殘夜雪稠邇來相憶處枕上苦吟休

柏巖禪師

野寺皈依切靈山會遍行老來披衲重病後讀經生乞
食嬾村遠尋溪愛路平多年柏巖住不記柏巖名

緱氏韋明府廳

貴邑秋風滿誰同上宰心杉松出郭外雨電下嵩陰度
雁方離壘來僧始別岑西池月方迥會接一宵吟

長安送人

上國多離別，年年渭水濱。
空將未歸意，說向欲行人。
雁度池塘月，山連井邑春。
臨分惜攜手，日暮一沾巾。

宿開元寺樓

西峯殘日落，誰見寂寥心。
孤枕客眠久，兩廊僧話深。
寒扉開雨氣，風葉隱鐘陰。
此愛東樓望，仍期別夜尋。

送僧還南岳

辭僧下水棚，因夢嶽鐘聲。
遠路獨歸寺，幾年重到城。
風

高寒葉落雨絕夜堂清自說溪居後鄰州亦不行

秋思

楊柳已秋思楚田仍刈禾歸心病起切敗葉夜來多細
雨城蟬噪殘陽嶠客過舊山餘業在香隔洞庭波

春日寄友人

春居無俗喧時立澗前村路遠少來客山深多過猿帶
巖松色老臨水杏花繁除憶丈流外何人更可言

送僧歸江南

洗足北林去遠途今已分麻衣行嶽色竹杖帶湘雲飢
鼠緣危壁寒狸出壞墳前峰一聲磬此夕不同聞

春日重到王依村居

野煙居舍在曾約此重過久雨初招客新田未種禾夜
蟲鳴井浪春鳥宿庭柯莫為兒孫役餘生能幾何

入靜隱寺途中作

亂雲迷遠寺入路認青松鳥道緣巢影僧鞋印路雲草
煙連野燒溪霧隔霜鐘更遇樵人問猶言過數峯

送楊嶽歸巴陵

何處得鄉信，告行當雨天。
人離京口日，潮送岳陽船。
孤鳥背林色，遠帆開浦煙。
悲君惟此別，不肯話歸年。

出關後寄賈島

故國知何處，西風已度關。
歸人值落葉，遠路入寒山。
多難喜相識，久貧寧自閒。
惟將往來信，遙慰別離顏。

京口贈崔固

積雨晴時近，西風葉滿泉。
相逢嵩嶽客，共聽楚城蟬。
宿

館橫秋島歸帆漲遠田別多還寂寞不似剡中年

書實上人房

絕頂言無伴長懷剃髮師禪中燈落燼講次柏生枝沙井泉澄疾秋鐘韻落遲里閤還受請來宿北崗睡

早秋過郭涯書堂

暑銷崗舍清閒語有餘情石水生茶味松風喊扇聲遠分臨海雨餘覺掩山城此地秋吟苦時來遶菊行

送韓校書赴江西幕

從軍五湖外終是稱詩人酒後愁將別途中過却春山
橋榭葉暗水館燕巢新驛舫迎應遠京書寄自頻野情
隨到處公務日闕身久共趨名利龍鍾獨滯秦

杭州盧錄事山亭

山色滿公署到來時景饒解衣臨曲榭隔竹見紅蕉清
漏焚香夕輕風視事朝靜中看鎖印高處見迎潮曳履
庭蕪近當身樹葉飄傍城餘菊在步入一仙瓢

省試晦日與同志昆明池泛舟

金史卷之八十九
卷六十九
故人同泛處遠色望中明靜見沙痕露微思月魄生周
回餘雪在浩渺暮雲平戲鳥隨蘭棹空波盪石鯨劫灰
難問理島樹偶知名自省曾追賞無如此日情

過舊宅

古巷戟門誰舊宅早曾聞說屬官家更無新燕來巢屋
惟有閒人寄看花空廡欲摧塵滿檻小池初涸草侵沙
榮華事歇皆如此立馬踟躕到日斜

歸故園

桑柘駢閭數畝，問門前五柳正堪攀。樽中美酒長須滿，
身外浮名總是閒。竹徑有時風為掃，柴門無事日常關。
於焉已是忘機地，何用將金別買山。

送元處士遊天台

青冥路口絕人行，獨與僧期上赤城。樹列煙嵐春更好，
溪藏冰雪夜偏明。空山雉雊禾苗短，野館風來竹氣清。
若倚石橋看瀑布，不妨高處便題名。

台州鄭員外郡齋雙鶴

丹頂分明音響別，況聞來處隔雲濤。
情懸碧落飛何晚，立近清池意自高。
向夜雙栖驚玉漏，臨軒對舞拂朱袍。
仙郎為爾開籠早，莫慮回翔損羽毛。

復龐復言攜酒望洞庭

南湖春色通平遠，貪記詩情忘酒杯。
帆自巴陵山下過，雨從神女峽邊來。
青蒲映水疎還密，白鳥翻空去復回。
盡日與君同看望，了然勝見畫屏開。

題錢宇別墅

久聞從事滄州外誰謂無官已白頭來備戎裝嘶數騎
去持丹詔入孤舟蟬鳴遠驛殘陽樹雁起湖田片雨秋
到日重陪丞相宴鏡湖新月在城樓

題錢宇別墅

林居向晚饒清景惜去非關戀酒杯石淨每因杉露滴
庭幽漸覺水禽來藥蔬摘後供僧盡竹杖吟中望月回
紅葉閒飄籬落迥行人遠見草堂開

寄新頭陀

見說北京尋祖後瓶盂自挈遶窮邊相逢竹塢晦暝夜
一別苕溪多少年遠洞省穿湖底過斷崖曾向壁中禪
青城不得師同往坐想滄江意浩然

湘漢懷翁傑

一宿空江聽急流仍同賈客坐歸舟遠書來隔巴陵雨
衰鬢去經彭蠡秋不擬為身謀舊業終期斷穀隱高丘
吾宗尚作無為者中夜閒吟生旅愁

寄韓司兵

多病十年無舊識
滄州戰後始逢君
已知罷秩辭瀧水
相勸移家近岳雲
泗上旅郵侵疊浪
雪中歸路踏荒墳
若爲此別終期老
書札何因寄北軍

送石協律歸吳

僧牕夢繞憶歸耕
水涉應多半月程
幕府罷來無藥價
紗巾戴去有山情
夜隨淨渚離蛩泣
早過寒潮背井行
已讓辟書稱抱疾
滄洲便許白髭生

送廬岳僧

浪匝湓城岳壁青
白頭僧去掃禪局
龕燈度雪補殘衲
山日上軒看舊經
泉水帶冰寒溜澁
薜蘿新雨曙煙腥
已知身事非吾道
甘臥荒齋竹滿庭

天長路別朱大山路却尋李躔

驛騎難隨伴
尋山半憶君
蒼崖殘月路
猶數過溪雲

送陳標

滿酌勸童僕
相隨郎馬蹄
春風慎行李
莫上白銅鞮

陪江洲李使君重陽宴百花亭

閒攜九日酒共到百花亭醉裏求詩境回看島嶼青

別李侍御後亭夜坐却寄

已作亭下別未忘燈下情吟多欲就枕更漏轉分明

湖州韓使君置宴

老大成名仍足病縱聽絲竹也無歡高情太守容閒坐
惜與青山盡日看

宮詞

寂寂花時閉院門美人相並立瓊軒含情欲說宮中事

金匱要略卷六十九
鸚鵡前頭不敢言

公子行

閒從結客野遊時
忘却紅樓薄暮期
醉上黃金堤上去
馬鞭捎斷綠楊絲

嶺南路

越嶺向南風景異
人人傳說到京城
經冬來往不踏雪
盡在刺桐花下行

早發廬江途中遇雪寄李侍御

蘆葦聲多雁滿陂。濕雲連野見山稀。
遙知將吏相逢處，半是春城賀雪歸。

林下招胡長官

語低清貌似休糧。稱着朱衣入草堂。
銷暑近來無別物，桂陰當午滿繩牀。

與真上人一二禪師題玢主院

杖屨相隨任處便。不惟空寄上方眠。
歸時亦取湖邊路，晚映楓林共一船。

尋僧

吟背春城出草遲
天晴紫閣赴僧期
山邊樹下行人少
一派新泉日午時

近試上張弘水部

洞房昨夜停紅燭
待曉堂前拜舅姑
粧罷低聲問夫婿
畫眉深淺入時無

采蓮

隔煙花草遠濛濛
恨箇來時路不同
正是停桡相遇處

鴛鴦飛去急流中

都門晚望

綠槐花墮御溝邊
步出都門雨後天
日暮野人耕種罷
烽樓原上一條煙

尋古觀

仙觀曾過知不遠
花藏石室杳難尋
泉邊白鹿人聞語
看過天墻漸入深

尋陽與孫郎中讌迴

別酒已酣春漏前
他人扶上北歸船
潯陽渡口月上
漁火照江仍獨眠

送僧

草屨初登南客船
銅瓶猶貯北山泉
衡陽舊寺秋歸去
院鏤寒潭幾樹蟬

寄長孫中丞


潯陽却到是何日
此地今無舊使君
長憶窮冬宿廬嶽
瀑泉冰折共僧聞

寄潘緯

楊柳絲絲與地連
歸來一醉向溪邊
相逢頭白莫惆悵
世上無人長少年

題仙遊寺

石抱龍堂蘚石乾
山遮白日寺門寒
長松瀑布饒奇狀
曾有仙人駐鶴看



石倉歷代詩選卷六十九